

杞縣志

杞縣志目錄

卷之一

聖製

卷之三

天文志

星圖
前異

分野

曜度

星氣

彗星

卷之三

地理志上

沿革

封建

古蹟

卷之四

地理志下

疆域

山川

水利

卷之五

邑系志

目錄

建置志

城池
公署

學宮
壇廟

書院
寺觀

衙署
坊表

倉庫
橋梁

卷之六

禮樂志

秩祠

鄉飲

卷之七

田賦志

賦稅
支發

漕糧
河夫

戶口
鹽課

地畝

存留

卷之八

風土志

風俗

物產

卷之九

職官志

刺史
訓導

縣令
各宦

縣佐

治屬

教諭

卷之十

選舉志上

舉人

卷之十一

選舉志下

秀才
武科

恩拔
誥封

副歲
任子

例貢

例監

卷之十二

武備志

兵防

舟戰

烽堠

驛遞

軍衛

卷之十三

人物志一

古聖

名儒

忠烈

直諫

卷之十四

人物志二

事功

循績

卷之十五

人物志三 孝友 篤行

卷之十六

人物志四 文苑 武功

卷之十七

人物志五 隱逸 善長

卷之十八

人物志六 游俠 流寓 方伎 耆農

卷之十九

列女志上 后妃 名媛 義烈 烈女 烈婦
孝女 孝婦 賢婦

卷之二十

列女志下

卷之二十一

藝文志一

碑記

卷之二十二

藝文志二

銘 讚 頌 疏 表 傳 序 文
辨 引

卷之二十三

藝文志三

詩歌

卷之二十四

叙錄志

舊志序

書籍目

舊修志姓氏

杞縣志卷之十九

列女志上

忠婦 孝女

名媛 孝婦

義烈 賢婦

烈女

烈婦

聖書之言女德尚矣遷固史列女無傳至蔚宗始
錄之然已列文姬於其中矣杞一邑耳而貞心暖
簞懸代不少大要時逢陽九事乖好合甘茹荼以
撫嬰誓同穴而赴義甚有踰禮守信未嫁而殉其
夫者亡人絕嗣堂上無依忍死以養其舅姑者以
至報讐割愛伏劒沉淵貞魂毅魄與烈丈夫何以
異哉若夫刲股非孝亦見微誠侍妾殉夫凜乎正
氣激揚千載宜並錄焉他若宮娥可考才女堪稱

槩爲譏述循舊例也嗚呼女子以節烈傳已不幸矣又可以驅其淹沒而無紀哉別其門類繫以事跡備觀覽云

后妃

漢

竇貴人外黃人後漢順帝時年十二能屬文以才貌選入掖庭有寵與梁皇后並爲貴人擢父章爲羽林郎將遷屯騎都尉貴人早卒帝追思無已詔史官樹碑頌德章自爲之辭

晉

元敬虞皇后諱孟母濟陽外黃人也父豫晉元帝
爲瑯琊王納后爲妃無子永嘉六年薨時年三十
五帝爲晉主追尊爲王后有司奏王后應別立廟
會有事未果太興三年遣使持節兼太尉萬勝奉
冊贈皇后璽綬祀以太牢乃祔於太廟葬建平陵
明

張妃周康王妃也義士張延恩之孫女父希義授
兵馬指揮使見義士傳

李妃周世子妃也曾祖可大見方技傳父角贈兵
馬指揮使

名媛

漢

蔡琰字文姬邕之女也博學有才辨又妙於音律
適河東衛仲道夫亡無子歸寧於家興平中天下
大亂文姬爲漢北騎所獲沒於左賢王者十二年
生二子曹操素與邕善痛其無嗣乃遣使者以金
璧贖之而重嫁與董祀祀爲屯田都尉犯法當死
文姬詣曹操請之時公卿名士及遠方使驛坐者
滿堂操謂賓客曰蔡伯喈女在外今爲諸君見之
及文姬進蓬首徒行叩頭請罪音辭清辨

哀衆皆爲改容操曰誠實相矜然文狀已去奈無
文姬曰明公廐馬萬匹虎士成林何惜疾足一騎
而不濟垂死之命乎操感其言乃追原祀罪時旦
賜以頭巾履襪操因問曰聞夫人家先多墳籍
猶能憶識之否文姬曰昔亡父賜書四千餘卷流
離塗炭罔有存者今所誦憶纔四百餘篇耳操曰
今當使十吏就夫人寫之文姬曰妾聞男女之別
禮不親授乞給紙筆真草唯命於是繕書送之文
無遺誤後感傷亂離追懷悲憤作詩二章文多不

錄

按晉書景獻羊皇后諱衛瑜太山南城人父衛上
黨太守后母陳留蔡氏漢左中郎將邕之女也泰
始九年追贈蔡氏濟陽縣君又羊祜傳祜蔡邕外
孫景獻皇后同產弟是邕別有女適羊衛也存以
備考

義烈

秦

孟姜女范杞梁妻秦始皇築長城范役焉姜女製
寒衣親送至邊范已死矣女循城號泣城爲之崩
夫骸遂出自負而歸杞人憐之爲立廟祀之今尙

存或曰同官澧州宜君皆有跡然亦不可考矣辨
在古蹟門

漢

緱氏名玉後漢外黃人爲從父報讐殺父之從母
兄李士姑執玉以告吏吏以告外黃令梁配配論
殺玉邑人申屠蟠時年十五爲諸生進諫曰王之
節義足以感無恥之孫激忍辱之子不遭明時尙
當表旌廬墓況在清聽而不加哀矜配善其言爲
獄得減死論鄉人稱美之

元

范氏萬昱妻至正間昱奉親與兄弟避難母亡於道旣而父兄亦亡會丞相泰不華總戎昱從軍適有遠行別范曰吾兄已亡惟餘一子苟不得已棄已子耳范許諾尋果兵變范如夫命棄子存姪無不平意及亂平生一子人以爲義感所致因名其子曰義

烈女

明

史氏女名愛正德初許聘同邑孔宏業未娶而宏業亡欲以身殉其母不許女七日不食母持茗強

飲之適有雙蛾隨其懷中死女指之曰物意尙全
我心毋獨不諒人耶又見蠶成繭歎曰春蠶結繭
金葫蘆人生不義不如無母知不可奪異日乃製
素衣縞裳送之孔家時鄉之老稚從觀者如堵女
告之曰適二姓者勿人我室於是慚而退者十之
二三抵暮乃白舅姑從容整衣自縊而死有白氣
縷縷騰屋上連旦始消縣令劉廷簠臨其喪爲營
葬事復申請確於朝詔旌其門

張氏女行二父東光嘉靖末年許聘陳留鄭瑁隆
慶二年瑁死女聞之卽製帛欲縊不得白母欲求

一弔許之偕母秦氏往弔女至瑁柩前一號幾絕
遂誓死不返母與姑環泣守之勺水不入於口餓
十四日而死與瑁合葬兩縣聚觀者數千人

鄭氏女名京父僮母陳氏方孕時夢空中仙樂儀
仗冉冉而下寤而生京年十歲許聘邑庠生王念
祖未幾念祖卒京力請其父母歸王氏並祈自製
繒帛四篋欲貽舅姑許之京乃着常服自傅家集
登輿詣縣時聚觀者甚眾京因命褰帷示之容色
坦然道經文廟京下輿入謁畢至夫家始出篋內
自製褻服易之先拜天地次拜舅姑次父母一一

中節因之柩前哭奠成禮日侍姑側夜寢喪次如是者五日忽日期至矣請設床榻於柩前趨入靈帷急易吉服而四肢已僵衆昇就榻京僊臥其上猶手自整衣瞑目而逝邑中喧傳以爲異事次日邑令李梯親視之京忽張目合手若爲禮狀左右觀者爲之竦然邑令出目乃瞑比殮顏色如生其夜室有紅光照耀久之乃滅隆慶帝御製輓章勒於石坊曰未見夫面殉夫亡不比尋常烈女行白髮尙且移晚節青年誰肯棄紅粧魂歸地下乾坤老名在人間草木香朕淚從來不輕洒爲爾萬古